



En jöbia, ai 21.05.2015 complësc **Laura Alfarei** de Parüs **84** agn. L'Seniorencлуб y düta la Comunité ti aoda dü't l'bun, sanité y benedisciun de Dî.

De Internazional di Museums tl Museum Ladin: chësta domënia ai 17 de má a S. Martin dales 13:00 - 18:00 y a S.Ciascian dales 10:00 - 18:00.

La Biblioteca Sas dla Crusc inviëia dër bel ala incuntada di "Amisc dla letöra, i s'la cuntun di libri che i un lit" te biblioteca a Badia in jöbia ai 21 de má dales 20:00.

Referac sura la sanité:

"Die Harnblase und ihre Probleme" en lünesc, ai 18 de má dales 20:00 te Ciasa Runcher.

"Disturbi di ansia, fobia, paure e panico" en jöbia, ai 21 de má dales 20:00 te scola mesana a La Ila.

"Wohltuende Wickel" sabeda, ai 23 de má dales 14:30 te Ciasa Runcher.

N ater referat: en lünesc, ai 18.05.2015 dales 08:00 söl Lüch *Chi Pra* ves spliga Michele co fá ciałó, iogurt y smalz.

Oste fá na esperiënza tl ciamp dles organizaziuns Non – Profit?

La Ciasa de Palsa Ojöp Frëinademetz tol sö tratan l'isté (6-8 edemes) studënc y studentes dai 15 ai 19 agn por fá chisc sorvisc de voluntariat: acompagnamënt y baié cun i berbesc y les mëdes, aiüt tl animaziun y trasport intern, laurs de aministraziun, aiüt pro i laurs da verdaciasa y de economia dla ciasa.

Ala fin ciafa i voluntars 80,00 € por vigni edema de laur. Infos ciafun al numer 0474/524786 y le formular de domanda pon descíarié da www.ciasadepalsa.it y po gní dé jö cina ai 27.05.2015 dales 12.00.

Raiun Sozial Val Badia: dai 26 de má 2015 inant saral le Patronat dl sindacat Sgb/Cisl a Picolin por pité ala jënt la poscibilité da lascé fá la EEVE. La porsona de referimënt sará chiló vigni mertesc dales 15.00 ales 17.00 tla 3. alzada dl Raiun Sozial a Picolin.

Dal vangele dla Festa de Pasca de Má

(Jan 15,26-27 ; 16,12-13)

Te chël tëm্প á Gejú dit a sü discepui: Canch'al vëgn le paraclët, ch'i ves mëni dal Pere infora, le Spirit dla verité che provëgn dal Pere, dailó daral jö testimonianza por me. Y ince os desces dé jö testimonianza, deach'i sëis dal scomenciamënt incá pro me. I á ciamó tröp da ves dí, mo sëgn ne sëise nia bugn da porté na te' ciaria.

Mo canch'al vëgn ël, le Spirit dla verité, ves condejaral ite te dóta la verité. Deach'al ne baiará nia fora de sé instës, mo al dijarà ci che ël alda, y ves incundará ci che gnará.



Usc dla Cüra **BADIA**


Tel./Fax 0471 839571 - E-Mail: parrocchiabadia@libero.it - www.valbadiaonline.it

Nr. 25	Edema: 17.05.– 24.05.2015
--------	---------------------------

PRÜMA SANTA COMUNIUN

17 má 2015

GEJÚ TÖ MI ZËNTER DE VITA



FUNZIUNS SACRES

17.05. ASSËNZA dl SIGNUR - FESTA dla PRÜMA COMUNIUN

- 09.45 Dan Calonia: Salüt y ingres te dlija di neocomunicanc
 10.00 Mëssa cun i mituns dla 1. Comuniun y families
 18.00 †ti Hermann y Antonia Nagler - aniversar
 †ti Albino y Paolina Piccolruaz
 †ta Paola Valentin da Pransarores

18.05. Lünesc

- 20.00 *Devoziun de má (cun i crejimá, minis y scolars)*

19.05. Mertesc

- 20.00 *Zelebraziun dla Parora*

20.05. Mercui - Mëssa cun i scolars

- 07.30 por fam. Eduard y Nina Tavella
 por fam. Florian y Lucia Sottara
 por les animes dl purgatore



21.05. Jöbia – Mëssa cun i crejimá

- 20.00 †to Friedl Castlunger - aniversar
 †ti Majo Alfarei y siur Heinrich Valentin – aniversar
 por fam. Laurénz y Agnes Tasser en rengraz.
 por fam. Aldo y Rosmarie Irsara en rengr. a S.Maria

22.05. Vëndres – S.ta Rita da Cascia

- 07.30 †to Emilio Costisella
 †to Emilio Valentini de Col d'Anví
 †ta Maria Piccolruaz de Col d'Anví

23.05. Sabeda

- 16.00 Mëssa a Oies
 20.00 *Devoziun de má (arjignada ca dala Uniun di Èi)*

24.05. FESTA de PASCA de MÁ

- 08.00 **Esposiziun dl Santiscimo**
Scomënciamënt dles ores de adoraziun
 10.00 Mëssa solena en onur dl Spirit Sant
 15.00 Ora de adoraziun por düc
 18.00 †ti Thaler
 †to Erich Canins
 por fam. de Irmgard Winkler




Dala VITA dla CÜRA

PASCA de MÁ 2015

Ores de adoraziun

- 08 – 09 Pedraces - Sompunt – Paracia – Ciaminades – Damez
 09 – 10 Fistí – Larcenëi – Craciurara – Reslada – Castalta – Adan
 Pescolderunch – Peslalz – Pescol – Crafunara – Val
10 Mëssa Grana
 11– 12 San Linert
15 Ora de adoraziun por düc
 16 – 17 Ruac – Alfarei – Pransarores – Rainé – Cianacëi – Oies -
 Frëinademez – Anví – Sotró – Jusciara – Runch – Parüs –
 Puntac – Sotgherdëna
 17 – 18 Costa – Corcela – Sotciastel – Grones – Piz - Valgiarëi –
 Col d'Anví – Andrac – Cialaruns
Conclujiun y benedisciun
18 S.Mëssa



Crejimá: en jöbia, ai 21.05.2015 sarál dales 20:00 la mëssa de rengraziament por l'Sacramënt dla Crejima. Düc i crejimá pó dé jö la spënorä por l'proiet de solidarieté. Gnide düc.

N bel grup de jogn y de jones dla Val Badia y de Südtirol va da Pasca de má (22-25/5) ala festa di jogn a Salzburg sot al motto „*Neues Feuer braucht das Land*“. I oresson invié i jogn che resta chiló a ciaré vignitan l'livestream sot a www.loretto.at por odëi ci che al vëgn fat y por gní para n ater ann !!

Bibelrunde cun siur Sepl Granruaz: chësc iade sarála ai 20.05.2015 dales 20.00 te calonia de Al Plan (bass ite) y düc é der bel invιά.

Pelegrinaje: vëdui/vëdues y porsones sores é invιά en jöbia, ai 28.05.2015 al Santuar Valcalda de Pieve di Cadore. An pëia ia da Pedraces dales 08:00 y l'prisc dl iade y marëna é de 40,00 €. Prenotesse pro Monica al nr. 0474/590069 cina ai 25.05.2015.

Orar nü dles Mësses a Oies:

Mertesc, mercui y jöbia dales 20:00 - Vëndres y sabeda dales 16:00